



MEMORIA XUSTIFICATIVA

EXPEDIENTE: Convenio de colaboración entre a Consellería do Medio Rural e a Fundación Rof Codina do Hospital Veterinario

CENTRO XESTOR: Secretaría Xeral do Medio Rural

Tomás Fernández-Couto Juanas, director xeral de Ordenación e Producción Forestal,

DECLARA:

Que esta consellería ten previsto formalizar coa Fundación Rof Codina do Hospital Veterinario en Lugo o instrumento convencional arriba referido por un período de vixencia que abrangue dende na data da súa sinatura e rematará o 31 de xuño de 2021.

Que o instrumento convencional ten por obxecto establecer as condicións polas que se rexerá a colaboración entre o Centro de Formación e Experimentación Agroforestal de Sergude, situado no Lugar de Quián, s/n (Boqueixón), dependente da Dirección Xeral de Ordenación e Producción Forestal da Consellería do Medio Rural, e a Fundación Rof Codina, para o desenvolvemento e realización das prácticas académicas no Hospital Veterinario Universitario (HVU) correspondentes ao desenvolvemento curricular do ciclo formativo de grao superior de Técnico Superior en Gandería e Sanidade Animal establecido no Decreto 87/2016 do 19 de maio e que se imparte no CFEA de Sergude . Así mesmo, os alumnos do Hospital Veterinario Universitario (HVU) poderán facer prácticas veterinarias nas explotacións gandeiras propias do CFEA de Sergude.

Que o instrumento convencional que se pretende asinar se fundamenta no seguinte: A Dirección Xeral de Ordenación e Producción Forestal é o órgano da Administración galega encargado de exercer as competencias inherentes á ordenación, fomento e mellora da produción forestal, así como as medidas de prevención e defensa contra os incendios forestais. Tamén lle corresponden as competencias en materia de industrias agroalimentarias e de promoción e defensa da calidade dos produtos agroalimentarios galegos e recoñecemento e vixilancia das denominacións de calidade.

Así mesmo, a través dos órganos que a integran, exercerá as funcións de programación e coordinación da formación agroforestal e a divulgación dos resultados da investigación agraria e alimentaria para conseguir a incorporación das innovacións tecnolóxicas aos sistemas produtivos primarios e de transformación, así como a realización de estudos, publicacións e estatísticas agroforestais.

Na constitución da Fundación Rof Codina do Hospital Veterinario establecéronse como obxectivos e funcións primordiais da dita Fundación a de favorecer a maior correspondencia posible entre a docencia teórica da Facultade e as ensinanzas que, en materia clínica, poida proporcionar o Hospital Clínico.





Máis concretamente, a finalidade da Fundación é a formación especializada nas diferentes vertentes clínicas da profesión, a actividade práctica en réxime de colaboración con outros organismos públicos, así como a constitución dun centro de apoio e referencia para profesionais.

Este Hospital, actualmente en funcionamento, ten carácter universitario e a relación entre el e a USC regúlase a través dun convenio asinado con data do 21 de maio de 1997 co obxecto de favorecer a maior correspondencia posible entre a docencia teórica impartida na Facultade de Veterinaria de Lugo e as ensinanzas que, en materia clínica, poida proporcionar o Hospital Clínico Veterinario Rof Codina.

É por isto que, dado o interese común e os obxectivos coincidentes, as partes intervinientes cren conveniente sumar esforzos, e para apoiar o desenvolvemento de actuacións de formación, no exercicio das competencias que lles son propias, están interesadas en establecer o presente Convenio de colaboración.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector Público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria en Santiago de Compostela, a 2 de agosto de 2016.

